

**-UPRAVNI ODBOR-**Broj: 02- *199*...../18

Sarajevo, 17. 07. 2018. godine

Na osnovu člana 129. Zakona o visokom obrazovanju („Sl. novine Kantona Sarajevo“, broj: 33/17), člana 53. Statuta Univerziteta u Sarajevu i člana 36. stav (2) Poslovnika o radu Upravnog odbora Univerziteta u Sarajevu, a u vezi sa članom 10. stav (6) i (11) Pravilnikom o ostvarivanju i raspolaganju vanbudžetskim prihoda Univerziteta u Sarajevu („Sl. novine Kantona Sarajevo“ broj: 7/16 i 37/17), Odlukom Odbora Fonda za razvoj Univerziteta u Sarajevu broj: 0105-1954/18 od 22. 05. 2018. godine i Planom utroška sredstva Odbora Fonda za razvoj Univerziteta u Sarajevu, broj: 0105-1955/18 od 22. 05. 2018. godine, na prijedlog Senata Univerziteta u Sarajevu od 27. 06. 2018. godine, Upravni odbor Univerziteta u Sarajevu, na osmoj redovnoj sjednici održanoj dana 17. 07. 2018. godine, donio je *sljedeću*

**ODLUKU****I**

Daje se saglasnost na godišnji plan trošenja odnosno raspolaganja sredstvima iz Fonda za razvoj Univerziteta u Sarajevu Odbora, kojim se određuje visina izdvajanja za svaku od namjena iz člana 10 stav (6) Pravilnika o ostvarivanju i raspolaganju vanbudžetskim prihoda Univerziteta u Sarajevu („Sl. novine Kantona Sarajevo“ broj: 7/16 i 37/17), kao i kriterije za raspodjelu sredstava.

**II**

Daje se saglasnost da se iz sredstava koje je za raspodjelu predložio Odbor Fonda za razvoj Univerziteta u Sarajevu, pod stavkom „*Kapitalna ulaganja za razvoj Univerziteta u Sarajevu u skladu sa Statutom Univerziteta*“ izvrši preraspoređivanje u iznosu od 10% sredstava Univerzitetu u Sarajevu.

**III**

Obavezuje se Odbor Fonda za razvoj Univerziteta u Sarajevu da u pisanoj formi, izvjesti Upravni odbor Univerziteta u Sarajevu po realizaciji aktivnosti iz tačke I i II ove Odluke.

***Obrazloženje:***

Na osnovu člana 10. stav (9) Pravilnika o ostvarivanju i raspolaganju vanbudžetskim prihoda Univerziteta u Sarajevu („Sl. novine Kantona Sarajevo“ broj: 7/16 i 37/17), Odbor Fonda za razvoj Univerziteta u Sarajevu je izradio Plan utroška sredstava Fonda za razvoj Univerziteta u Sarajevu. Odbor Fonda za razvoj Univerziteta u Sarajevu je donio Odluku o pojedinačnim iznosima sredstava koja se dodjeljuju aplikantima na osnovu objavljenog i provedenog Internog konkursa za dodjelu sredstava Fonda za razvoj Univerziteta u Sarajevu uplaćenih za 2016. godinu od 10. 01. 2018. godine. Navedenom Odlukom Odbor Fonda za razvoj Univerziteta u Sarajevu je utvrdio pojedinačne iznose izdavanja sredstava za svaku od sljedećih namjena: osiguranje pristupa relevantnim bazama podataka za sve organizacione jedinice radi unapređenja nastavne i naučne djelatnosti; sufinansiranje troškova u vezi sa prezentacijom naučnih i umjetničkih dostignuća u cilju osiguranja ravnopravnog i blagovremenog ispunjavanja obaveza u postupku akademskog napredovanja i napredovanja naučnoistraživačkog osoblja u skladu sa Zakonom o visokom obrazovanju i Zakonom o naučnoistraživačkoj djelatnosti; sufinansiranje školarina na trećem ciklusu studija akademskom

osoblju koje je u radnom odnosu sa punim radnim vremenom na Univerzitetu odnosno organizacionoj jedinici radi osiguranja ravnopravnih i blagovremenih mogućnosti pohađanja trećeg ciklusa studija; poticanje međunarodne saradnje i mobilnosti nastavnika i studenata; unapređenje kvaliteta poslovanja u cilju jačanja i unapređenja integracije Univerziteta kroz standardizaciju poslovanja ustanovljavanjem programskih paketa u studentskim i ekonomskim službama organizacionih jedinica, uvođenje integriranih poslovnih paketa, razvoj i unapređenje sistema finansijske kontrole, provođenje postupka interne i eksterne revizije i dr.; organizacija naučnih i stručnih skupova od posebnog značaja za Univerzitet koje utvrdi Senat Univerziteta na godišnjem nivou na prijedlog Odbora i kapitalna ulaganja za razvoj Univerziteta u skladu sa Statutom Univerziteta.

Na osnovu utvrđenog prijedloga Senata Univerziteta u Sarajevu sa 20. redovne sjednice održane 27. 06. 2018. godine, Upravni odbor je dao saglasnost da se iz sredstava koje je za raspodjelu predložio Odbor Fonda za razvoj Univerziteta u Sarajevu, pod stavkom „*Kapitalna ulaganja za razvoj Univerziteta u Sarajevu u skladu sa Statutom Univerziteta*“, izvrši preraspoređivanje sredstava Univerzitetu u Sarajevu u iznosu od 10% u svrhu finansiranja razvojnih procesa i projekata Univerziteta uključujući i refundaciju uplaćenih sredstava za pretplatu na akademsku bazu Scopus and SciVal za potrebe Univerziteta u Sarajevu kao integrisane visokoškolske ustanove za 2016/2017, te 2017/2018. godinu, kao i pretplatu na akademsku bazu Web of Science za 2017/2018. godinu.

Na osnovu naznačenog, te imajući u vidu da je Odbor Fonda za razvoj Univerziteta u Sarajevu već proveo navedene procedure, Upravni odbor je s ciljem uspostavljanja normalne dinamike realizacije Pravilnika o ostvarivanju i raspolaganju vanbudžetskim prihoda Univerziteta u Sarajevu, a u cilju operativnog stavljanja u funkciju finansijskih izvora Fonda za razvoj Univerziteta u Sarajevu, odlučio kao u dispozitivu.

**PREDSJEDNIK  
UPRavnog ODBORA**

*Dr. sc. Murat Ramadanović*



Dostaviti:

- Rektor UNSA
- Predsjedniku i članovima Upravnog odbora UNSA
- Odboru Fonda za razvoj UNSA, putem sekretara
- Izvršnom direktoru
- Generalnom sekretaru
- Internom revizoru
- Službi za računovodstvo i finansije
- ② U dokumentaciju Upravnog odbora UNSA
- Arhivi